



16. juni 2023

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

**Naalakkersuisunut apeqquteqaatit:**

1. Kalaallit Nunaanni Illersornissaqarfiup (Forsvaret) sakkutuunngorusuttunik (Sakkutuunngorniartussaataaerermut misilitsinnerit) katersisarnerat ingerlanneqaqqittalertussaagaluup unitsinneqaqqinneranut Naalakkersuisut suna peqqutigaat?
  - a. 10. Oktober 2022 UKA2022/74-mut Naalakkersuisut akissuteqaamminni Rigsmyndighed sakkutuunngorniarnissamut katersisarnissaat ingerlateqqilernissaannut siunertalimmik attaviginnereernikuusimagaluarluni, qanoruna allatut pisoqarsimasoq?
    - i. Rigsmyndighed attavigisimaneranut allakkiaq tamakkerlugu taamatuttaarlu attaviginninnerup akissuteqarfigineqarsimanera §37 aallaavigalugu apeqquteqaammut uunga ilanngussatut Naalakkersuisut saqqummiussinnaanarlunikku?
2. Inuusuttut Danmark-mut sakkutuunngorniarnissamut misilitsikkiartussallutik kissaateqartunut kikkut aningaasartuuteqartussanngorpat?
3. Kalaallit Nunaanni inuusuttut Illersornissaqarfimmi ilinnialersinnaanissamut periarfissaannut nunatsinni Illersornissaqafiup ullugititaa peernerisigut kingunerisassai Naalakkersuisunit qanoq nalilerneqarpat?
4. Naalakkersuisut pineqartumut attuumassutilinnik allanik ilisimatitsissuteqarsinnaanerlutik?

(Demokraatit Inatsisartut Gruppia)

**Tunngavilersuut**

Nunatsinni inuusuttut sakkutuunngorniarnissamut misilitsittaleqqinnissaat Demokraatiniit naatsorsuutigilluinnarsimagaluarparput.

Tamanna Demokraatit sinnerlugit Inatsisartunut ilaasortaq Anna Wangenheim UKA 2022 siunnersuusiorfigisimaneranik tunngaveqarpoq, Kalaallit Nunaanni sakkutuunngorniartussanik katersisarnerit (sakkutuunngorniartarnermut misilitsittarneq) ingerlanneqaqqittalissasoq<sup>1</sup>. Siunnersuutip suliarineqarnerani Naalakkersuisut akissuteqaataanni erserpoq tamanna piviusunngornissaa suliarineqartoq. Akissuteqaammi matumani atuarneqarsinnaavoq:

---

<sup>1</sup> UKA2022/74



DEMOKRAATIT  
DEMOKRATERNE

*”Tassunga suliamut tapiliullugu Illersornissamut ministerimut allagaqarpunga nunatsinni sakkutuujusinnaanermut misilitsinnerit aallarteqqinneqarsinnaangortut.” Aamma ”Naalackersuisuniit naalagaaffimmi oqartussaasut misilitsitsinissaq siunertaqarluni angalaleqqinnissaq aallarteqqissinnaangortoq pillugu saaffigineqareermata...”*

Taamaattumik Nunanut Allanut, Inuussutissarsiornermut aammalu Niuernermullu Naalackersuisoq KNR aqqutigalugu maanna sakkutuunngorniarnissamut misilitsittarnerit Danmarkimi ingerlanneqartalernissaat aammalu Kalaallit Nunaanni Illersornissaqarfiup ullorititaa utertinneqaaqqissanngitsoq nalunaaruteqarnera eqqumiingaarpaput.

Apeqqutit akissutaat ullut qulit suliffiusut iluanni akineqareersimanissaat kissaatigaakka.